

梨花夜月圖

此夜思詩坐草堂。微風簾外笛聲長。半輪春月朦朧影。一樹梨花馥郁香。

卿堂小集分題賦得花落樹猶香

滿林煙雨午冥濛。淨盡殘花春已空。猶有餘香吹未滅。輕青嫩綠樹梢風。

夜坐

瑟瑟琴聲隔水家。朦朧春月淡籠花。夜深孤坐小窓底。一穗青燈吹影斜。

偶成

名奔利走苦營營。十丈輕紅塵漲城。何若田家閑活計。煙簑雨笠趁春耕。

丁卯元旦

愁雲慘愴鳳凰城。瞻望何堪涕泣情。四海九州同一樣。新正不敢賀新正。

人日散策

人日乘閒偶出廬。春郊一望雨晴初。誰家小女提籃去。徐傍梅花獨摘蔬。

春江歸漁圖

夕陽春水釣魚天。垂柳陰陰覆細漣。鼓枻歸來誰氏子。一聲欸乃破蒼煙。

春遊

嫩晴雙屐入煙霞。水驛山村路幾叉。好是春光看不盡。園林十里總開花。

懷友

桃花流水又芳辰。貽蕩東風滿地春。如此都門吹暖節。憐他萬里遠征人。

戊辰晚春次西丘山人韻寄懷家君在軍

紅漸稀邊綠漸肥。眼看景象思依依。江風林雨春將晚。千里東征人未歸。

雨中惜花

簷溜丁東已蠟聽。疎簾半捲晝冥冥。白櫻枝濕花空散。細雨斜風入小庭。

晚春

雙燕歸來小草堂。年年仍舊倚空梁。落花風雨春將盡。滿路紅泥屐齒香。

新正

萬戶迎年風物新。滿城都是賀正人。吾儂不做世間例。笑與梅花占斷春。

早春

雲暖風恬日漸長。午晴初覺動春光。一聲啼破梅梢白。知有新鶯過竹牆。

春天鶴唳

縞衣丹頂與誰同。赤壁孤山跡已空。滿地梅花春雪暖。一聲聲在碧雲中。

廢寺看花

吟屐踏來山徑斜。尋春得得入烟霞。空房無復禪僧住。唯有閑庭幾樹花。

過廢寺

古寺荒涼蔓草生。幾人到此不傷情。鶯兒似惜春光老。飛上空枝盡日鳴。

春夜喜雨

細雨霏微不作聲。也知潤物到天明。自斯行樂春應好。樹樹花開滿鳳城。

春風

習習輕吹楊柳風。千山萬壑雪初融。紙鳶何處春聲響。飛入烟霞杳靄中。

春江漁父

十里長江數點山。孤舟棹過一灣灣。桃花水暖春風岸。日暮香魚網得還。

江村春眺

楊柳畫橋烟靄中。夕陽村落酒旗風。滿江春水溶々綠。掩映桃花半岸紅。

夏の部

山村首夏

風花飄瞥了無痕。新樹成陰綠滿村。盡日山窓無客到。杜鵑聲裏雨黃昏。

山行聽鶉

殘花淨盡綠陰低。羅鞵扶筇過小溪。細雨斜風山欲暮。杜鵑鳴度石橋西。

梅熟園林細雨來

閑繙青史掩柴門。天氣濛濛晝亦昏。泥巷浹旬過客少。園林梅熟雨聲繁。

睡起觀山

薰風吹度竹欄干。一夢回來日欲殘。疊嶂層巒青滴瀝。起摩困眼揭簾看。

遊富嶽

五十三亭雲水閑。羨君飛錫向仙山。人間六月暑如燬。去入雪池水壑間。

夏夜即事

日落炎收夜氣澄。風簾如水月初升。興來移榻清池畔。齒菴花香露欲凝。

夜聞子規

小雨晴來月色侵。湘簾不動夜沈沈。啼鵲忽自雲端過。驚破幽人故國心。

梅雨即事

梅天連日雨蕭々。空對幽庭坐寂寥。隣媪扣門來報道。滿溪新漲沒村橋。

夏日偶成

暫拋鍼線繙書帙。時伴了鬢遊後園。新樹陰中青欲滴。杜鵑啼度又黃昏。

水軒夏日

陳陳水風涼似秋。不容籬櫺上吾樓。湘簾捲盡江天午。閑倚欄干對白鷗。

夏晚泛湖

清波潏潏閃斜暉。忽看湖心白鷺飛。多少遊人來滌暑。扁舟容與更忘歸。

暮窓即事

殘照全收炎熱空。碧簾如水度涼風。黃昏浴罷閑相待。一片水蟾出自東。

夏山欲雨

隔水禪關濕翠重。涼颼先入一庭松。殷雷驟轉雲翻墨。忽失參天比叡峰。

夏夜

草際滅明螢火光。舉頭天半月如霜。松風竹露滌炎暑。分與幽人一榻涼。

聞子規

何來帶月雨餘鳴。憐汝勸歸徒盡情。嫩綠重重千樹裏。不看形影只聞聲。

蕉陰茗話

有客携詩訪小櫺。移床淪茗碧庭中。芭蕉葉展清陰密。竝坐喃喃話午風。

夏夜

手汲流泉洒晚風。夜來移榻小庭東。蛙聲似雨人聲外。月影如霜竹影中。

秋近

梧桐一葉欲疎黃。暗覺風頭灑氣生。月白空階涼露湛。未秋已有百蟲鳴。

雨後郊行

西疇東隴雨收絲。土潤方宜麥秀時。十里長郊一川綠。也看春色上花枝。

秋の部

八月十五夜

寶鏡高懸碧落明。林梢玉露滴無聲。好招同調中秋夜。幽賞何妨到五更。

秋日遊高山寺

燦爛紅楓映翠巒。錦雲堆裡倚欄干。秋來林壑多風致。附與詞人自在看。

柳邊漁笛

十里秋江波拍天。柳陰殘日繫漁船。無端孤客腸將斷。一笛風聲破水煙。

胡枝花

露濕秋庭曉尚濃。新涼吹動畫簾風。紛紛滿地紫雲簇。開遍胡枝花一叢。

秋夜讀書

微雨晴來涼有餘。風簾如水月升初。四隣人定蟲聲動。獨對青灯讀古書。

感秋

籬菊花開一朵黃。驚看節物近重陽。蕭蕭霜鬢人將老。空向秋風獨斷腸。

丙寅重陽

秋風僂指廿餘回。又向東籬把酒杯。菊與重陽如有約。重陽到日菊方開。

秋夜聞鹿

霜深楓葉老。雨冷菊花殘。今夜聞鳴鹿。一聲秋月寒。

新秋夜坐

叢蟲唧唧夜窓幽。白露滴階涼氣浮。唯此銷魂人不識。一彎新月照新秋。

風雨維舟圖

殘楓疎柳共凄然。江岸秋寒風雨天。滴瀝孤篷聲未絕。知應孤客作愁眠。

中秋賞月

穆穆金波坐上流。桂花香裏倚南樓。嫦娥此夜新開匣。一鏡飛光萬里秋。

七夕

知道雙星會絳河。今宵天上與如何。家家乞巧新涼裡。華燭樓頭笑語多。

秋夜吟

夜靜風聲秋已闌。蕭蕭落木幾林巒。書窓獨背青燈坐。霜氣侵人星斗寒。

秋曉

終夜丁東風鐸鳴。竹窓夢醒覺秋生。新涼如水天將曉。聞徹檐前墜露聲。

秋日早起

起來還坐讀書房。挑起秋燈一點光。知是四隣人在夢。鷄聲啼破五更霜。

山寺觀紅葉

路轉溪環三徑斜。偶尋秋色到僧家。夕陽唱出牧之句。霜葉紅於二月花。

秋林讀書圖

落葉紛紛野徑平。秋風出屋讀書聲。小橋流水幽林裏。棲隱何人過一生。

中秋賞月

樓閣何須燈火紅。清光來自廣寒宮。半天形與鏡輪類。滿地影將霜色同。滴露階前疑竹雨。烹茶鼎裏起松風。團欒社友坐吟句。明月今宵秋正中。

冬の部

靈山望晴雪

曉風吹盡雪晴天。一望葛原鋪白氈。靈鷲山頭銀世界。鳳城渾在掌中鮮。板橋霜

寒郊十里太淒涼。落月荒鷄催曙光。知是何人先我過。屐痕印破板橋霜。

冬日江村

江上寒風吹酒旗。高樓有客醉題詩。夕陽嵐岫丹楓趣。却勝櫻花爛漫時。

寒夜

半窓殘月冷如水。孤室深沈夜氣澄。吾亦憂時眠不就。三更雙淚灑寒燈。

冬暮山齋

山中歲月也駸駸。一樹寒梅聊適心。不似世間人擾擾。柴門盡日獨彈琴。

雪中探梅

雪霽江山曉色清。寒驢誰復出柴荆。吟筇只爲尋梅樹。徐繞水涯村徑行。

冬夜鳴河即興

雪霽寥天明月浮。清輝倒映鳴河流。忽聞度水絃歌響。回首燈光在畫樓。

冬夜讀賴山陽翁詩鈔

虛窓不睡夜方深。坐覺霜威逼素襟。一卷山陽舊詩卷。寒燈影下獨沈吟。

暮江吟

千頃烟波不可窮。雁聲遙過夕陽風。孤舟來繫秋江岸。雪白蘆花明月中。

夜雨

一夜芭蕉響小簷。書燈無影雨纖纖。寒從點滴聲中起。偏向幽人枕上嚴。

即事

靜捲疎簾看幾回。可憐香雪一時摧。夜來風雨無聊賴。落盡庭前樹樹梅。

對雪

同雲四面曉漫漫。風雪偏吹書室寒。白壓檐前三尺許。憶曾清女揭簾看。

冬郊閑步

雪霽江山似畫圖。吟行不許俗人俱。詩家自有探樵興。何厭奇寒粟我膚。

冬夜讀書

爐火半消寒漏遲。端然獨坐未眠時。孤燈影冷三更雨。閑讀星巖居士詩。

雜の部

即目

水烟漠漠舊池塘。羅幃重來秋已涼。惆悵紅蓮零落盡。纔留殘葉護鴛鴦。

石山懷古

樹影山光鏡面浮。琳宮寂寂水悠悠。玉人仙去今何在。風藻長留湖月秋。

寓居即事

家在城西桂水灣。繞簷松樹鬱成林。箇中至樂人知否。半架詩書一匣琴。

野橋曳筇圖

山光水色兩分明。細雨初收爽氣生。一帶石橋楊柳外。夕陽歸客曳藜行。

偶成

四海紛紛欲定難。何人報國瀝忠肝。女兒不管廟堂議。閑向窓前披史看。

蘭

楊柳青青滿巷春。紛然桃李媚芳辰。何如君子在幽谷。不受嬌紅一點塵。

甲子七月十九日記事

烈焰須臾逼市門。烟塵蔽日暗乾坤。不怪咸陽作焦土。樓臺回首便郊原。

病中偶作

會侍膝前如夢寐。星移物換八年秋。何時行拜遺墳了。告此終天罔極愁。

漂母飯信圖

短衣長袂釣江隈。一飯曾遭漂母哀。只此流芳終不朽。後人偷樣作圖來。

溪亭坐隱圖

雨餘秋水碧潺湲。溪上孤亭坐學禪。歲月崢嶸人事急。亂雲堆裏獨超然。

奉寄家君在軍

朝芳夕醜議紛紛。世事變更真若雲。李白桃紅春雨細。碧紗窓下遠思君。

讀史有感時事

獨繙青史淚千行。古往今來感慨長。女子無關廟堂議。也於時事費商量。

賀友人七十壽

拋却浮名身自閑。翛然養靜掩柴關。童顏更學仙家術。常伴白雲眠碧山。

明治戊申春二月題友人遺像

讀書忘老坐幽軒。涵養平生勁節存。誰識經綸當日策。長留勳績照乾坤。

偶成

青苔漠漠長庭前。誰復呼醒女史眠。隔竹遠鐘何處寺。數聲斷續夕陽天。

題運甓圖

致力中原豈惜軀。疏書也勝一鴻儒。習勞千古人猶賞。却畫貧微運甓圖。

奉寄家君在軍

知君豪氣足揚威。臨陳堂堂掣活機。覆手成龍翻手虎。一刀柳葉破重圍。

有感書二十八字

世事紛紛橫議多。隔門咫尺有風波。赤心一片向誰語。獨坐深窓如感何。

偶成

傷時憂國淚痕頻。起倚高樓感更新。高潔梅花凋落去。夭桃穠李漫爭春。

又

紅塵滾滾滿春衢。何肯尋芳出艸廬。不蹈風波人世險。幽窓孤坐讀文謨。

讀美作國雙烈女傳

忠臣遺蹟去千年。櫻樹於今正氣傳。母子孝貞雙美足。誠心應是徹蒼天。

山行即事

嘎嘎如琴溪鳥聲。芝香松影不勝清。前宵忽有青山夢。今曉青山着屐行。

即事

竹風疑雨聲。簷際無雲濕。午夢乍驚回。枕邊蕭颯入。

竹窓聞雨成二十八字

幽夢醒來燈影紅。恍然欬耳冷衾中。竹風幾度聞疑雨。聞雨翻疑是一。

讀山陽翁遺稿題其後

風流一代煥文章。詩亦精工短與長。埋骨靈山名不朽。到今猶自挹遺芳。

桃山懷古

當年此地有嚴城。想見英雄霸業榮。金瓦飄零已無跡。桃花依舊夕陽明。

林泉讀書圖

泉聲洗耳意恬如。無復紛塵到草廬。贏得人生真樂事。山林日夜讀仙書。

蕉窓聽雨

疎雨閑窓丙夜天。引人幽夢到江邊。蕉聲聽作蓬聲響。一枕恍疑身在船。

題畫

謾謾松風夢乍醒。日高高臥一溪亭。此翁應得仙家術。欲學華山睡典型。

賽管廟觀梅

月黃昏處暗香吹。賽到城西管相祠。莫是靈魂猶未滅。化成花蘂在梅枝。

睡起觀山

簷鈴破夢響丁東。起淪清茶坐午風。乍展脩眉來送笑。青山面々小窓中。

風雨維舟圖

一天風雨暗秋江。日暮歸來繫小艚。枯柳蕭蕭人不見。漁翁應睡在篷窓。

雪江獨釣圖

斷磯枯柳寄疎篷。萬頃滄波暮色中。借問長竿獲魚否。雪江蓑笠一漁翁。

將歸家途中即事

白雲一片去來輕。未得酬恩隔死生。無限深情向誰語。客樓回首望皇城。

深草元政上人二百回忌賦此爲奠

二百年來夢一空。荒山墳墓仰清風。知師當日浩然氣。留在三竿竹竹中。

送別

水市煙村春正妍。風香澹蕩杏花天。可堪今日離亭酒。折柳歌殘共黯然。

美人讀兵書圖

纖手披書凭玉案。六韜三略心中判。傾城不是太公謀。美目芳唇含笑看。

悼某女史

玉樹凋摧望已空。龍鐘雙袖淚痕紅。招魂一曲堪追哭。猶想當年齊女風。

訪某禪師席上賦呈

一甌苦茗一爐香。坐上無盃也不妨。蕩滌平生塵垢念。清閑半日在禪房。

聞雨

午氣籠簾暗又明。繞檐琴筑一聲聲。多情最是窓前雨。洗得閒愁萬斛生。

詠竹

曉風憂玉似龍吟。露葉重重翠影深。我愛此君能挺立。心虛未許俗塵侵。

奉寄家君在軍

日月旗翻東海濱。王師營裡幾征人。知君能領軍符去。號令分明兵氣振。

戊辰小春送丹羽瀨氏東行

天涯霜雁起哀聲。況是故人千里行。遙想關山新戰地。北風停馬更傷情。

賀友人拜命

梅蕊初開粧點春。冰肌玉骨自精神。多年辛苦風霜裏。一脈清香薰殺人。

客 至

雨細泥深村路長。偶然吟客到幽莊。笑吾地僻清供乏。半簋桃梨一鼎湯。

偶 成

春風十里爛晴天。處處園林闌麗研。想見嵐山花事盛。旗亭酒榭鬧箏絃。

美人晝睡圖

紅臉青蛾窈窕容。巧粧真個艷芙蓉。午涼水閣珠簾靜。睡著銀床夢正濃。

山中偶作

樹密苔深啼鳥喧。山中日月自晨昏。不知人世浮沈事。唯有白雲來我門。

山中即事

拋却浮名身自閑。翠松深處掩柴關。紅塵不到清溪上。只許白雲相往還。

野橋曳筇圖

一雨新晴草色饒。殘陽斜掛綠楊條。清閑宛似村夫子。被竹君扶上野橋。

新鑿小池

小池新鑿在空庭。綠水紅魚容得靈。幽賞題詩吾事足。雖然數尺也滄溟。

竹窓即事

數竿脩竹掩簾櫳。半夜驚回夢乍空。蕭颯有聲來又歇。不知是雨是清風。

遊明石浦拜歌仙祠即事

遊蹤千里赤城邊。落木西風古廟天。慚殺吾曹才藻乏。也無佳句奉歌仙。

溪亭坐隱圖

一塵不到碧溪間。獨坐茅亭心自閑。詩就悠然何所見。白雲紅葉夕陽山。

廢 堂

何年結構寶樓臺。畫壁半荒檐半摧。猶有佛陀靈未盡。誰家兒女獻香來。

桃山懷古

春風方是夕陽天。霸業回頭感慨纏。富貴一朝流水盡。英雄千歲盛名傳。
青松鬱鬱含殘雨。綠草萋萋罩澹烟。莫向居人尋往事。鶯聲花影亦凄然。

教
へ
草
終

大正七年二月二十日印刷
大正七年二月廿五日發行



製通普草へ教

定價 普通製金壹圓貳拾錢
送卸於未

著者 三輪田眞佐子

東京市四谷區荒木町二十七番地

發行者 平塚 唯鳩

東京市牛込區通寺町十四番地

印刷人 高橋都素武

東京市麴町區有樂町二丁目一番地

印刷所 報文社

東京市神田區西小川町二丁目一番地

日本弘道會 青年部

發行所

東京市牛込區
神樂坂通り

株式會社 南北社出版部

振替町金口座(電話)長三九六番
東京一九四番(番町)三八〇四番



◆空前の大出版部全貳拾四卷完成◆

家庭文庫 全本製成既部

- 成瀬仁新婦人訓 宮田成良妻賢母論 吉岡女家庭衛生
- 藤波美新美裝法 島村抱藝術講話 嘉悦學家政講話
- 高木敏童話の研究 和田垣家庭經濟 三田谷兒童の教養
- 石川理家庭博物 松浦政家庭の娛樂 保岡工理想の住宅

婦人文庫 全本製成既部

- 教訓 女四書。鑑草。庭訓抄その他
- 傳記 比賣鑑。本朝女鑑
- 節用 女學範。手習。化粧。料理。漬物等
- 文集 名媛旅行記その他
- 歌集 俗謡の今樣及び傳句及ひ作歌法
- 畫集 一葉千金の價ある浮世繪約百面
- 小説 梅柳新書。姪節
- 歌謠 俗謡の今樣及び傳句及ひ作歌法
- 節用 女禮典。女重寶記。茶事。香道。花道等
- 小説 兩月物語。西山物語。近江縣物語等

特價提供
選擇自由
各冊定價金壹圓貳拾錢
特價金壹圓。送料金八錢
「新美裝法」及び「畫集」に限り
特價金貳圓。送料金八錢
詳細説明書は
郵券三錢封入
御請求を乞ふ

◆全國名著書店販賣時は直接本社へ◆

東京 牛込 區 神樂坂 南 北 南 社 出版 部
東京 牛込 區 神樂坂 九 番 四 號

370
23

2

終

